

四庫全書

子部

欽定四庫全書

子部
證治準繩卷九十八

詳校官太醫院八品吏目_臣黃發

編修_臣倉聖脈覆勘

總校官進士_臣朱鈴

校對官助教_臣卜維吉

膳錄監生_臣何繼盛

欽定四庫全書

證治準繩卷九十八

明 王肯堂 撰

幼科

腎臟門

解顱

顱不合

初虞世云父精不足則解顱眼白多 錢解顱生下而
顱不合腎氣不成故也長必少笑更有目白睛多眇白

色瘦者多愁少喜也餘見腎虛 湯解顱者顱大頭縫

不合如開解故曰解顱此由腎氣不成故也

云云見前總論

凡

得此者不過千日其間亦有數歲者乃廢人也人之無腦髓如木無根古人雖有良方吾所以不錄者勞而無功也亦不可束手待斃宜依錢氏補腎萬一有可生之

理

錢氏補腎如地黄丸如鹿茸之類是

曾凡得此候不及千日之內間

有數歲者偶因他疾攻激遂成廢人若氣色精明能飲食者多服調元散補腎地黄丸旬月內頗見效者次第

調理或有可治若投藥後如故亦難療 田解頤治法
宜用生地散 丹小兒解頤乃是母氣血虛與熱多耳
用四君子四物有熱加酒炒黃連生甘草煎服外以繇
束緊用白斂末傅之

錢氏地黃丸

見前并
鶴節條

天南星散 治頤開不合鼻塞不通天南星大者微泡
去皮為細末米醋塗調緋帛上貼頤上炙手頻熨之
立效

調元散 主稟受元氣不足顙顙開解肌肉消瘦腹大

如腫致語遲行遲手足如筒神色昏慢齒生遲服之

效

乾山藥

去黑皮五錢

人參

去蘆

白茯苓

去皮

茯神

去皮末

白朮

白芍藥

熟地黃

酒洗

當歸

酒洗

黃芪

蜜水炙各錢半

川芎

甘草

炙貳味各叁錢

石菖蒲

貳錢

右碎每服二錢水一盞薑二片棗一枚煎七分無時

溫服如嬰兒幼嫩與乳母同服

張渙玉乳丹 治嬰兒頭骨應合而不合頭縫開解

鍾乳粉

依古法製煉者

熟乾地黃

依法蒸焙者

當歸

洗焙乾各半兩

防

風剉補骨脂

浮揀微炒各一分

或加黃耆茯苓

右件除別研者碾為細末次入鍾乳粉等拌勻煉蜜和如黍米大每服十粒煎茴香湯下乳食前

嬰孺方狗腦丸 治小兒 腦長喜搖頭解顱

狗腦

壹箇

材漆

即五加皮

甘草

炙

白朮

防風

鍾乳石

乾地黃

各一分

牛黃

二分

右以狗腦丸小豆大一歲飲下二九日再未知加之
又云兒顛常令煖冷即病死

小兒錮顛藥

芍藥粉

右取黃雌雞臨兒顛上刺其冠以血滴顛上血止以
芍藥粉傅之使血不見一日立差

治小兒解顛虎骨方

虎骨 敗龜板 不灰木 乳香

各半兩

右為末用生豬血於手心內調塗在頭縫開處以舊
繇子已裏七日第八日以葱湯水洗去前藥再用此
藥塗之經年者已減一分又歇三日方再用藥塗之
又服參苓散

人參 茯苓 白附子炮 羌活 甘草炙 芍藥

白朮

水煮各
壹分

犀角屑

京芎

藿香

後參味
減半

右為末每服半錢水一盞用少金銀同薄荷三葉煎
至三分溫服通驚氣

千金治小兒顛開不合方

防風

壹兩半

栢子仁

白芨

各壹兩

右三味末之以乳和傅顛上十日知二十日愈日一

莊氏家傳方治腦縫不合

山茵陳

壹兩

車前子

百合

各半兩

右為末用烏牛乳汁調塗脚及腦縫上用帛子裹頭
三日一換五上必效

王氏封頤散 治顛開不合頭縫開張顛開崎陷咳嗽

鼻塞

栢子仁 防風 天南星

各肆兩

右為細末每用一錢以豬膽汁調勻稀稠得所攤在緋絹帛上看顙子大小剪貼一日一換不得令乾時時以湯潤動

五辛散

三因

治小兒骨應合而不合頭骨開也名曰解顙

細辛

桂心

各半兩

乾薑

半錢

右為末以薑汁和傳顙上貼之兒面赤即愈

又方用蛇蛻炒焦為末用猪頰車中髓調傳頂上日三四度曾有人作頭中裏遮護之久而自法亦良法也灸法臍上臍下各五分各灸三壯灸瘡未發先合

顛陷

巢氏云小兒臟腑有熱渴引水漿致成泄利久則血氣虛弱不能上充腦髓故顛陷如坑不能平滿也聖濟用當歸散

方見腹痛

地黃丸

前見

顛陷者虛之極也胃氣虛寒

則顛陷慢驚中有之胃寒脾困吐瀉者為虛極急以金

液丹固真湯

俱慢驚

及諸救元等藥治之外則貼以烏附

膏 有後枕陷者其證尤重治法以顛陷藥同不效亦

為難療此大虛極百無一活耳

烏附膏 理顛門陷

綿川烏

生用

綿附子

生用各五錢

雄黃

二錢

右件為末用生蔥和根葉細切爛杵入前藥末同煎
空心作成膏貼陷處

聖惠生乾地黃散 治小兒臟腑壅熱氣血不榮致顛

陷不平者

生乾地黃

二兩

烏雞骨

一兩酥塗
炙令黃

右搗細羅為末不計時候以粥飲調下半錢

又治小兒顛陷方

右取豬牙車骨髓煎如膏塗顛上良

又方以狗頭骨炙令黃擣羅為末以雞子清調塗

又方以天靈蓋炙令黃擣羅為末以生油調塗

千金小兒顛陷灸臍上下各半 及鳩尾骨端又足太

陰各一壯

顛填

顛填者顛門腫起也脾主肌肉乳哺不常饑飽無度或寒或熱乘於脾家致使臟腑不調其氣上衝為之填脹顛突而高如物堆起自汗出毛髮黃而短是也若寒氣上衝則牢韌

音昂履頭也腫硬如履頭突起

熱氣上衝即柔輒又小兒

脇下有積者咳且啼而氣上逆者啼甚久其氣未定因而乳之者肝氣盛風熱上衝者皆能令顛填當一一審

其因而治之寒者溫之熱者涼之氣上逆者和而降之
肝氣盛者瀉青為主熱證裏多大連翹湯表多柴胡散
虛者以補中益氣湯送下地黃丸神而明之存乎其人
言不盡意 曾世言顛腫皆以為熱殊不知有陰陽二
證切宜詳辨堅硬為陰紅軟為陽故嬰孩寶書云寒氣
上衝則牢鞞熱氣上衝則柔軟正此之謂若陰證以勻
氣散理中湯主之陽證用玉露飲當歸散防風湯為治
玉環集歌曰顛門腫起定為風此候應須也不中或

若加坑如蓋足七日之間命必終 石壁經歌曰積聚

脾中熱不通致令面赤口唇紅胃高夜嗽多臃脹休使
流傳肺有風喉裏作聲涎上壅頤門腫起熱來衝但教
涼膈安靈腑能使三朝速有功 積有冷熱皆能作腫
冷則糞白或酸臭氣衝人亦有蟲出其食物皆不能化
腹脹滿而多困喉中亦鳴也熱則使多渴其糞赤面色
亦黃赤口內臭氣亦蟲出各看其證候調治且須分水
穀去積并調氣冷則溫脾胃熱則去其熱化涎止渴頤

隱則冷也腫則熱也

積熱顙虛腫宜將時氣門中三

十六種除濕散濃煎桑白皮湯下

形證論云肺熱生

風涎鳴顙腫將白丁香膏一二服或南星丸一二服便

退 祕要指迷論方凡小兒生下一月內日或顙門腫

此乃受胎熱氣即用黃檗膏塗於足心湧泉穴如陷即

用半夏膏塗手心此乃嬰兒腎流受冷氣邪于心致令

病生

黃檗半夏皆為末皆冷水調貼

行遲

巢兒自變蒸至能言隨日數血脈骨節備髓骨成即能
行骨是髓養稟生氣血不足者髓不充強故骨不成數
歲不能行 張凡兒生至周歲三百六十日膝骨成乃
能行近世小兒多因父母氣血虛弱故令胎氣不強骨
氣軟弱筋脈無力不能行步麝茸丹主之曾經大效湯
小兒稟受血氣不足者則髓不滿骨故軟弱而不能行
腎主髓治法當用錢氏補腎地黃丸加鹿茸五加皮麝
香則髓生而骨強自然行矣外甥黃知錄之子三歲不

能行遂合此方服之有驗

張麝香丹 治數歲不能行

麝香

別研

茄苳

酥炙黃

生乾地黃

虎脰骨

酥塗炙黃

當歸

洗焙乾

黃芪

剉

右件各壹兩為細末用羊髓肆兩煮爛和成膏如黍米大每服十粒摩沉香湯下乳食前日三服

錢羚羊角丸 治小兒腎虛或病後筋骨弱五六歲不

能行宜補益肝腎

羚羊角

尖細而節密者醋取末

虎脰骨

敲破塗酥炙黃

生乾地黄

焙

酸棗仁

去皮秤炒

白茯苓

各半兩

桂

去皮取有味處不見火

防風

去蘆

頭切焙

當歸

同上

黃芪

切焙各二錢半

右同為細末煉蜜和成劑每服一皂子大兒大者加

之食前溫水化下日三四服久服取效

聖惠生乾地黄丸 治兒十歲不行

生地黃

當歸

焙

防風

酸棗仁

微炒

赤茯苓

黃

芪

芍藥

羚羊角

羌活

甘草

炙微赤

桂心

各等

分

右搗羅蜜丸如萊豆大食前溫酒下十丸量兒加減

虎骨散

虎脰骨

酒炙

生乾地黄

酸棗仁

酒浸去皮炒香

辣桂

去皮白

茯苓

去皮

防風

去蘆

當歸

去蘆

川芎

牛膝

酒浸去蘆各等分

右為極細末每服壹錢半以粥飲調次入好酒二滴再調食前服日二一方用煉蜜丸如黍米大木瓜湯

下

三四五加皮散 治小兒三歲不能行者由受氣不足

體力虛怯腰脊脚膝筋骨軟足故不能行用真五加皮為末粥飲調次入好酒少許每服一粟殼許日三服效 一方五加皮貳錢半木瓜壹錢貳分半為極細末用粥飲入酒二滴調服

寶鑑兒骨熱肺脈寒長不能行 顱顱兒自小傷抱脚纖細無力行立不得或骨熱疳勞肌肉消瘦宜服柴胡飲

柴胡

鼈甲

米醋塗炙黃

知母

桔梗

枳殼

去穰麩炒

玄

參升麻

右件各等分細剉三歲已下藥半兩水五合煎二合
分二服空心食前後忌毒物服後澡浴

澡浴方

苦參

茯苓皮

蒼朮

桑白皮

白礬

各半兩

蔥

白

許少

右剉沸水二升浸藥一兩通與兒浴溫處避

千金治數歲不行方 莖家未開戶盜食與哺日三便

行

翼云未開戶嬰
孺就墓門中哺

寶鑑灸兩足踝各三壯

良方左經丸 治筋骨諸疾手足不隨不能行步運動

草烏頭

生肉白者
去皮臍

木鼈

去殼

白膠香

五靈脂

各叁
兩半

當歸

壹
兩

蟹螯
去翅足壹百
枚少醋煮熟

右為末黑豆去皮生杵粉一斤醋糊丸雞頭實大酒

磨下一丸不曾針灸傷筋絡者四五丸必效十歲兒

一九分三服此藥能通榮衛導經絡專治心腎肝三經服後小便少淋瀝乃其驗也按此方非內有汚血痼積不宜用

了時發治大人小兒剉骨行步艱難脚無力續命丹

防風 乳香 蔓荊子 牛膝 麻黃 羚羊角

酸棗仁 草烏頭去皮 沒藥 白朮 茯苓各二錢半

天麻酒煮 胡麻炒 當歸 續斷各半兩 川烏頭去皮 黃芪

各肆錢 疾藜壹錢貳分半

右為細末蜜丸小彈大每服一九煎酒細嚼一日三五服用後洗藥服藥三日方洗

草烏頭 當歸 地龍 木鼈子 紫貝草 椒

目 葱鬚 荊芥

各一兩

為末煎湯露脚指甲從上淋洗次用熏法

熏藥方

柴胡 草烏頭 赤小豆 吳茱萸 羌活 晚

蠶沙

各一兩

為末黑豆三升熱水泡少頃去黑豆入前藥煮盆盛
熏判閃處令出骨中汗

齒遲

齒者骨之所終而髓之所養也小兒稟受腎氣不足不
能上營而髓虛不能充於骨又安能及齒故齒久不生
也地黃丸主之 一小兒三歲言步未能齒髮尤少體
瘦艱立發熱作渴服肥兒丸不應余曰此腎虛疳證也蓋
肥兒丸脾胃經之藥久服則腎益虛其疳益甚不信牙

髮漸落余用地黃丸加鹿茸五味子半載而元氣壯健
一小兒體瘦腿細行步艱辛齒不堅固髮稀短少用
六味地黃丸補中益氣湯年餘諸證悉愈形體壯實
張渙香附丹 治齒不生

大香附子

揀淨刮去皮

沉香

各壹兩

雄鼠糞

燒灰

乾蟾

燒灰

檳

榔 各半兩

右件搗羅為細末用羊髓四兩煮爛和成膏如黍米
大每服十粒麝香湯下量兒大小加減

湯氏芎黃散 治小兒齒不生

大川芎

生地黄

各半兩

山藥

當歸

甘草

炙各壹分

右焙為末熟湯調服或時以藥末擦齒齦

千金翼方 溺坑中竹木主小兒齒不生正旦刮塗之即生

外臺小品又方 取雌鼠屎三七枚以一枚拭齒根處盡此止二十一日齒當生雌鼠屎頭尖是也千金同楊氏產乳方用三十枚仍云雌糞用兩頭圓者是

聖惠治小兒齒不生或因落不生方

右取牛糞中黑豆二七枚小開去頭上皮以此豆頭
開處注齒根上時時用之常效也

髮遲

巢氏云足少陰為腎之經其華在髮小兒有稟性少陰
之血氣不足即髮疎薄不生亦有因頭瘡而禿落不生
者皆由傷損其血血氣損少不能榮於髮也

芑勝丹方

張漢

治髮不生

當歸

洗焙乾

生乾地黄

芍藥

各壹兩

已上搗羅為末

次用

菖藤

壹合研

胡粉

半兩細研

右件同研勻煉蜜和如黍米大每服十粒煎黑豆湯下兼化塗搽頭上無妨量兒大小加減

千金治少小頭不生髮以楸葉擣取汁傳頭上立生
又方 燒鯽魚灰末以醬汁和傳

千金翼治髮薄不生方 先以醋泔清洗禿處以生布令火熱臘月豬脂并細研鐵生煎三沸塗之日三

遍

本草甄氣水主長毛髮以物於炊飯時承取沐頭令
髮長密黑潤不能多得朝朝梳小兒頭漸漸覺有益
好

小兒白禿髮不生擣榆皮末苦酒調塗

聖惠生髮神效黑豆膏治小兒腦疳頭髮連根作穗

子脫落不生兼瘡白禿髮不生者並用生髮

黑豆

莖藤

各卷合

訶黎勒皮

壹兩

右件藥搗羅為末以水拌令勻內於竹筒中以亂髮塞口用煆灰內煨取油貯於瓷器中先以米泔皂莢湯洗頭拭乾塗之日再用十日髮生

又方

葛根末

豬脂

羊脂

各二兩

右件藥入銚子內以慢火熬成膏收於瓷合中每取一錢塗摩頭上日再用不過五七度效

香薷煎 治小兒白禿不生髮燥痛

陳香薷

二兩

胡粉

壹兩

豬脂

半兩

右件藥以水一大盞煎香薷取汁三分去滓入胡粉豬脂相和令勻塗於頭上日再用之

聖惠治小兒頭禿不生髮苦痒蔓菁散

右取蔓菁子擣為末以豬脂調塗於禿處佳

又方貫衆燒灰細研油調傳

又方麻子一升熬黑壓取脂傳頭上良

又方鹽湯洗過生油和蒲葦灰傳之鴈白 熊白 桃

葉汁皆可塗鷄子黃熬取汁塗

髮黃

巢氏云足少陰腎經其血氣華於髮若血氣不足則不能潤悅於髮故髮黃也 錢氏曰小兒長大不行行則腳細齒久不生則不黑皆屬氣血虛也宜大劑補之千金翼髮黃方 臘月豬脂和羊屎灰蒲灰等分傅之三日一為取黑止

又方 以醋煮大豆爛去豆煎令稠塗髮

又方 熊脂塗髮梳之散頭牀底伏地一食頃即出形
盡當黑用之不過一升

安師傳治小兒髮黃極妙方

破故紙不計多少銀石器中慢火炒熟為細末用地
黃汁煎成膏和為丸菴豆大每服十五二十九鹽湯
送下食前

齒

齒痛清胃散

治胃火牙痛或連頭面

升麻

分五

生地黃

牡丹皮

黃連

炒

當歸

各三分

右水煎服加柴胡山梔即加味清胃散 愚按前方

治脾胃實火作渴口舌生瘡或唇口腫痛齒齦潰爛
炊連頭面或惡寒發熱或重舌馬牙吐舌流涎等證
子母並宜服之若因脾胃氣虛寒涼尅伐或虛熱上
行口舌生瘡弄舌發熱飲食少思或嘔吐困睡大便
不實流涎齦爛者用五味異功散

張漢蒙本散

治卒齒痛

藁本 白附子 川芎 莽草

各半兩並搗羅為細末次用

青

黛 蘆薈 麝香

各一錢研細

右件都再研勻每用一字塗指患處

雄黃丸 治小兒牙齒黑蛀氣息疼痛

雄黃

貳錢麝香半錢

右為細末軟飯和為挺子安在牙內

齒縫出血外臺肘後用蚯蚓糞水和作團以火燒令極赤末之如粉以臘月猪脂和傳齒斷上日三即差

茅先生治小兒牙宣齒縫出血方

苦參

末壹兩

白礬

灰壹錢

右為末一日三次指牙上立驗也

張銳雞峰方 治齒間出血

右以苦竹葉不以多少水濃煎取汁入鹽少許寒溫得所含之冷即吐了

又方

右用童子小便半升分為三兩次含之冷即吐了

莊氏麝香散 治小兒唇口臭爛齒斷宣露

麝香

雄黃

生

蘆薈

白龍骨

各壹錢

蜜陀僧

貳錢 石

膽

半兩生

乾蟾

一枚重半兩者入餅燒存性

右合研令極勻細先用綿子纏筋頭上以鹽礬漿水
輕輕洗過然後上藥

齒齬腫痛千金翼方

生地黃

獨活

各叁兩

右二味切以酒漬一宿含之

又方 常以白鹽末封齒斷上日三夜二

又方 用大鵬砂研細水化雞羽掃

齧齒巢氏云手陽明足太陽之脈並入於齒風氣入其經脈與血氣相搏齒即腫痛膿汁出謂之風齧

千金翼治齧齒方

右切白馬懸蹄可孔塞之不過三度

聖惠方
用夜眼

聖惠蝦蟆散 治小兒齒痛風齧連頤微腫

乾蝦蟆

壹枚

青黛

細研

柑子皮

細辛

白雞糞

薰

黃

己上各
一办

麝香

細研

乾薑

炮裂剉
各半分

右件藥搗細羅為散都研令勻以薄綿裹少許內齒
齒孔中日一易之

又方

白附子

藁本

細辛

芎藭

莽草

己上各
一兩

右件藥搗細羅為散以薄綿裹少許著齩齒上

治小兒風齩齒痛及蟲蝕疼痛黑爛方

青黛

細研

雞糞白

燒灰

藁本

又方 扣齒三百下日一夜二即終身不發至老不病
齒

又治齒牙根搖欲落方

右以生地黃大者一寸綿裹著牙上嚼嚙汁汁盡去
之日三即愈可十日含之更不發也

又齒根腫方

松葉一握鹽一合好酒三升

右三味煎取一升含之

治齒根空腫痛困斃無聊賴方

獨活

肆升
酒

右二味於器中漬之煑火煨之令暖稍稍沸得半去
滓熟含之不過四五度

又方 燒松栢槐枝令熟柱病齒孔須臾蟲緣枝出
又治牙斷疼痛方

杏仁

一百枚去皮
尖及雙仁者

鹽末

方寸
七

右二味以水一升煮令沫出含之味盡吐却更含不

過再三差

養生必用治小兒牙方

牛蒡子

炒香一分

乳香

一錢

右為末入白麵少許溫水調塗

細辛

雄黃

細研各一分

麝香

少許細研

右件藥搗羅令細同研令勻旋取少許傳於齒上

又方 以郁李根白皮五兩剉以水一大盞半煎取一

盞熱含冷吐之當吐蟲出

又方 以皂莢炙去皮子搗末取少許著齒痛上差

又方 以松栢脂捏銳如錐柱齧孔內須臾齧蟲緣松脂出即差

又方 以雞舌香半兩以水一中盞煎至六分去滓熱含冷吐

冲齒千金翼治蟲蝕齒疼痛方

右閉氣細書曰南方赤頭蟲飛來入某姓名裂齒裏今得蝸蟲孔安置耐居上急急如律令小牋紙內著

屋柱北邊蝎蟲孔中取水一杯禹步如禁法還誦上文以水沃孔以淨黃土泥之勿令泄氣永愈

又治蟲蝕齒根肉黑方

右燒腐棘取諸塗之十遍雄黃末傳即愈若齒黑者以松木灰揩之細末雄黃塗斷百日日再塗之七日慎油猪肉神效

又治齒神方

右以檐一枚令病人蹲坐橫檐於膝上引兩手尋使

極住手伸中指灸中指頭檐上三壯兩頭一時下火
病人口誦咒曰噉牙齒名字鶻莫噉牙莫噉骨灸人
亦念之

又治裂齒方

右以腐棘針二百枚以水二升煮取一升含漱之日
四五差止

又方 取死曲蟾末傅痛處即止

日華子治小兒風虫牙方

右濃煎郁李仁水含之

聚寶黃龍散 治齒斷疳蝕有竅子不合者

龍寶

龍骨中有之深黃或淡黃土蝟色緊掬入舌者是

白礬

灰

蝟牛殼

南粉

牛黃

各一錢

右五味為末每用少許貼竅子內時時用之

千金方

右以牛屎中大豆二七枚小開豆頭以注齒根處數

度即生

經驗方 治小兒大人多年牙齒不生

右用黑豆三十粒牛糞火內燒令煙盡細研入麝香
小許一處研勻先以針挑不生齒處令血出用末少
許揩不得見風忌酸鹹物

聖惠治齒落久不生方

右取路傍遺却稻粒於齒落處點三七下其齒自生
神效

靈苑治大人小兒生齒神驗方

右用雄雌雞糞各十四顆焙乾同研如粉入麝香少許仍先以針挑破損齒脚下血出將散子傳之年高者不過二十日生年少者十日不計傷損及少自退落並再生

頰車蹉閃千金治失欠頰車蹉閃不合方

右用一人以手指牽其頤以漸推之則復入矣推當疾出指恐誤嚙傷人指也

又方 消蠟和水傳之

又方治牙車急口眼根引舌不轉方

牡蠣

熬

伏龍肝

附子

炮去皮

礬石

燒

右四味等分末之以白酒和為泥傳其上乾則易之
取差止

千金灸法失欠頰車蹉灸背第五椎一日二七壯滿三
日未差灸氣衝二百壯胃前喉下甲骨中是亦名氣
堂

又灸足內踝上三寸宛宛中或三寸五分百壯三報此

三陰交穴也

耳

張渙小兒耳中諸病由風入於腦停積於手太陽之脈則令耳聾風與濕相搏則兩耳生瘡又兒稍大見月初生以手指之則耳下生瘡者名月蝕瘡又乳母與兒洗浴候令水入耳中水濕停積搏於血氣蘊結成膿謂之聾耳 聾耳者心腎之竅肝膽之經也心腎主內症精血不足肝膽主外證風熱有餘或聾聵或虛鳴者稟賦

虛也或脹痛或膿痒者邪氣客也稟賦不足宜用六味

地黃丸

腎

肝經風熱宜用柴胡清肝散若因血燥用梔

子清肝散

發熱

未應佐以六味丸間服九味蘆薈丸

疳

若

因腎肝疳熱朝用六味丸夕用蘆薈丸若因食積內熱

用四味肥兒丸

疳

若因乳母膏粱積熱而致者宜加味

清胃散

齒痛

脾經鬱結而致者加味歸脾湯

驚悸

肝經怒火

而致者加味逍遙散

虛熱

皆令乳母服之兼與其兒少許

不可專於治外不惟閉塞耳竅抑亦變生他證延留日

久遂成終身之瞶矣慎之 寶鑑歌云太陽入耳損聽
聰氣滯時多耳必聾鳴是風并氣相繫痛應腦戶有邪
風腎熱鬱蒸聒耳患日深疼痛出稠膿不有稠膿非此
患只因滴水入其中

耳聾巢氏云手太陽之經入於耳內頭腦有風入乘其
脈與氣相搏故令耳聾

聖惠治小兒風熱兩耳聾鳴方

遠志

去心

甘草

炙微赤判

柴胡

去苗

菖蒲

各壹分

磁石

碎

參分

水淘

去赤
皮 麥門冬 去心焙
半兩

右搗細羅為散每服以葱白湯調下半錢日二服量

兒大小以意加減

張漢通鳴散 治耳聾

菖蒲 一寸九節者 遠志 去心各一兩 柴胡 去苗 麥門冬 去心 防風

各半 細辛 甜葶藶 各一分 已上搗羅並為細末次

入 磁石 一分搗碎水淘去赤汁 杏仁 二七個湯浸去皮尖研

右件都研勻每服半錢煎蔥白湯調下日二乳後

聖惠細辛膏 治小兒耳聾或因腦熱或因水入或因

吹著並宜用此

細辛

防風

去蘆頭

川大黃

剉微炒

黃芩

各一分

川椒

去目

七粒蠟半雨

右件藥細剉用清麻油三合煎藥紫色濾過下蠟候
消為膏每日三度用一大豆大 點於耳中

聖惠治小兒耳聾不差方

甜葶藶

杏仁

湯浸去皮

鹽

各等分

右件藥搗研如膏以少許豬脂和合煎令稠以綿裹如麤核大塞耳中日一易之

又方

松脂

菖蒲

末

烏油麻

各半兩

右件藥相和搗熟綿裹如一紅豆大塞耳中日一易

又方

菖蒲

末一分

杏仁

湯浸去皮尖研如泥半兩

右相和研令乳入每用少許綿裹內耳中日一易

又方

右取葱白於糖灰中煨令熟以葱白頭內耳中日三

易

又方

蓖麻子

去皮
十枚

棗肉

七枚

同搗如膏每取麤核大綿裹少許塞耳中日一易

又方

右搗芥子令爛以人乳和綿裹少許塞耳中日一易

之

麝香散 治沈耳

麝香

少許

白礬

一錢
大煨

五倍子

二錢

右件為末紙撚子點入耳中少許 耳鳴巢邪氣與
正氣相搏故令耳鳴久即邪氣停滯遂成聾也

菖烏散 治小兒耳自鳴日夜不止

菖蒲

烏頭

炒各
四分

右為末綿裹內耳中日再

耳中痛 千金翼治耳疼痛方

附子

炮去皮

菖蒲

右二味等分裹塞之

耳瘡證治見心部瘡瘍條

聾耳巢氏云耳宗脈之所聚腎氣之所通小兒腎藏盛而有熱者熱氣上衝于耳津液壅結即生膿汁亦有因沐浴水入耳內而不傾瀝令盡水濕停積搏於血氣蘊結成熱亦令膿汁出皆為之聾耳久不差即變成聾也

張渙紅藍花散

治聾耳久不差

紅藍花

洗焙乾

黃檗

剉各一兩

烏魚骨

一分研細

黃芩

各半兩

已

上搗羅為細末次用

雄黃

水磨研半兩

麝香

各一錢

右件都研勻細以綿纏搵藥塞耳中日再換

田氏紅玉散

治小兒膿耳

枯白礬

乾臙脂

麝香

各一錢

右同研勻先以綿裹杖子撚淨摻之

湯氏龍黃散

治小兒停耳汁出不止

枯白礬 龍骨末

黃丹

炒各半兩

麝香

一錢

右同研細先以綿杖子搥膿水盡用散一字半分為
兩處吹入耳內日二次

丹停耳疏黃末傳之日一夜一妙

祕要用蚰蟥灰末吹入立效有瘡者傳之

孫真人方同

薛氏云諸外治方但可治腑證之輕者若係肝經風
熱血燥等證必依前方論內服合宜之藥外用此以
收膿濕亦無不可若專泥攻而失內治誤矣

百蟲入耳詳見雜病準繩

五軟

五軟者頭軟

項軟手軟

脚軟肌肉軟口軟是也無故不舉頭

腎疳之病項脈軟而難收治雖暫瘥他年必再發手軟則手垂四肢無力亦懶擡眉若得聲圓還進飲食乃慢脾風候也尚堪醫治肌肉軟則肉少皮寬自離喫食不長肌肉可服錢氏橘連丸

虛羸

莫教瀉利頻併却難治療

脚軟者五歲兒不能行虛羸脚軟細小不妨榮衛但服

參耆等藥併服錢氏地黃丸

腎

長大自然肌肉充滿口

軟則虛舌出口陽盛更須隄防必須治膈却無妨唇青
氣喘則難調治也 薛夫頭軟者臟腑骨脈皆虛諸陽
之氣不足也乃天柱骨弱腎主骨足少陰太陽經虛也
手足軟者脾主四肢乃中州之氣不足不能營養四肢
故肉少皮寬飲食不為肌膚也口軟者口為脾之竅上
下齟屬手足陽明陽明主胃脾胃氣虛舌不能藏而常
舒出也夫心主血肝主筋脾主肉肺主氣腎主骨此五

者皆因稟五臟之氣虛弱不能滋養充達故骨脈不强
肢體痿弱原其要總歸於胃蓋胃水穀之海為五臟之
本六腑之大源也治法必先以脾胃為主俱用補中益
氣湯以滋化源頭項手足三鞭兼服地黃丸凡此證必
須多服二藥仍令壯年乳母飲之兼慎風寒調飲食多
能全形 曾戴氏論五鞭證名曰胎怯良由父精不足
母血素衰而得誠哉是言以愚推之有因母血海久冷
用藥強補有孕者有受胎而母多疾者或其父好色貪

酒氣體虛弱或年事已邁而後見子有日月不足而生者或投墮胎之劑不去而竟成孕者徒爾耗傷真氣若或有生譬諸陰地淺土之草雖有發生而暢茂者少又如培植樹木動搖其根而成者鮮矣由是論之嬰孩怯弱不耐寒暑縱使成人亦多有疾爰自降生之後精髓不充筋骨痿弱肌肉虛瘦神色昏慢才為六淫所侵便致頭項手足身軟是名五軟治法用調元散補腎地黃丸漸次調養日久乃安若投藥不效亦為廢人 有小

兒體肥容壯不為瘦瘁忽然項軟傾倒此名下竄皆因
肝腎氣虛客邪侵襲風府傳於筋骨故成斯疾蓋肝主
乎筋腎主乎骨筋骨俱弱則項軟垂下無力又名天柱
倒與五軟相類不遠治同前藥 吳江史萬湖子七歲
患吐瀉顛目頓陷天柱骨倒兼面色赤色先用補中益氣
湯加附子一劑吐瀉止而諸證愈又用錢氏地黃丸料
煎服頓安 一小兒七歲夏間過食生冷之物早間患
吐瀉面赤作渴手足並熱項軟顛陷午後面色頓白手

足並冷脈微欲絕急以六君子湯加附子一劑諸證頓退頤頂頓起而安小兒元氣易虛易實故雖危證若能速用對病之藥亦可回生者 一小兒九歲因吐瀉後項軟面白手足並冷脈微細飲食喜熱余先用六君子湯加肉桂五劑未應更加炮薑四劑諸證稍愈面色未復尺脈未起佐以八味九月餘面色微黃稍有胃氣矣再用前藥又月餘飲食畧增熱亦大減乃朝用補中益氣湯食前用八味丸又月餘元氣漸復飲食舉首如常

又月餘而肌肉充盛諸病悉愈 一小兒十二歲瘧疾
後項軟手足冷飲食少思粥湯稍離火食之即腹中覺
冷用六君子湯加肉桂乾薑飲食漸加每飲食中加茴
香胡椒之類月餘粥食稍可離火又用前藥百劑飲食
如常手足不冷又月餘其首能舉後飲食停滯患吐瀉
項仍痿軟朝用補中益氣湯夕用六君子湯及加減八
味丸兩月餘而項復舉畢姻後眼目昏花項骨無力頭
自覺大用八味丸補中益氣湯三月餘元氣復而諸證

退後每入房勞役形氣殊倦盜汗發熱服後二藥即愈
一小兒十五歲手足痿軟齒不能嚼堅物內熱晡熱
小便澁滯如淋服分利之劑小便如淋服滋陰之劑內
熱益甚服燥濕之劑大便重墜余謂此稟腎氣不足早
犯色慾所致故精血篇云男子精未滿而御女以通其
精五臟有不滿之處異日有難狀之疾老人陰已痿而
思色以降其精則精不出而內敗小便澀痛如淋若陰
已耗而復竭之則大小便牽痛愈痛則愈便愈便則愈

痛正謂此也遂朝用補中益氣湯夕用六味丸加五味子煎服各三十餘劑諸證漸愈後夢遺諸證復作手足時冷痰氣上急用十全大補湯加減八味丸料各八劑二便稍利手足稍溫仍用前二藥三月餘元氣漸復飲食如常又飲食停滯吐瀉腹痛按之不疼此脾胃受傷也用六君子湯加木香肉豆蔻治之其吐未已左尺右關二脈輕診浮大按之如無經云腎開竅于二陰用五味子散四服大便秘止後又傷食噯酸作渴大便秘墜

朝用補中益氣湯夕用六君子湯加木香乾薑而痊一
老年得子四肢痿軟而惡風寒見日則喜余令乳母日
服加減八味丸三次十全大補湯一劑兼與其子年餘
肢體漸強至二週而能行 一小兒五歲稟父腿軟不
便於行早喪天真年至十七畢姻後腿軟頭顱自覺開
大喜其自謹寓居道舍遂朝服補中益氣湯夕用地黃
丸料加五味子鹿茸煎服年餘而健 一小兒項軟服
前二藥而愈畢姻後患解顱作渴發熱以二藥作大劑

煎熟代茶恣飲兩月餘而渴熱減年餘而顱顙合又年
餘而肢體強若非慎疾雖藥不起

天柱倒王先生云小兒久患疳疾體虛久不進飲食患
來日久諸侯退只是天柱骨倒醫者不識謂之五軟候
須進金靈散生筋散 形證論歌天柱纔倒道難醫等
來此病非心脾若患先須因吐瀉不曾調氣至疳羸大

患傷寒無汗脈

鳳髓經此一句云
却被傷寒無浮脈

定應妙藥療他遲無

此卒然生此患又兼不辨四肢肥身軟難堪頭似石面

紅唇赤臉如緋此病多應傷腎熱後來因熱病相隨此

兩

句在鳳髓經即云此患只應傷膽熱後來伏熱又相隨

肝受熱風天柱倒但將

涼藥與維持貼須性熱筋方緩立見溫和請莫疑吐瀉

項軟唯調氣傷寒柱倒不須醫此或傷寒或吐或瀉

乘虛邪毒透入肝脈熱邪所侵是致令筋軟長或手足

軟而不解舉或項頸軟而不解舉若有前證即須涼膈

若吐瀉則先調胃氣貼項并服涼肝膽藥不可太熱亦

恐過冷

金靈膏

右用白僵蠶不拘多少直者去絲炒為末每服半錢
一錢薄荷酒調下一日三服更須用生筋散貼之
生筋散

木鼈子

三箇

蓖麻子

三十箇

右各取肉同研每用一錢許津唾調貼急抱指上令
熱貼之

四十八候貼頸藥方

川烏頭 白芷 地 五靈脂 赤小豆

各等分

右末生薑自然汁與酒同調貼在項上更服竹茹散

竹茹散

菊花 黃芩

三錢

人參

各一錢

大黃

半兩

甘草

二錢

右為末竹葉煎湯下

三十六種貼項藥方

草烏頭 赤小豆

各等分

右為末薑汁調攤帛子上貼經宿項立起

貼頭起項膏

吉氏

治小兒肝熱膽冷頭項軟倒

川烏

末

肉桂

末

芸薹子

天南星

蓖麻子

各一錢

黃丹

炒一分

右大蒜一頭煨熟去皮乳鉢內研和藥細每用一錢入米醋和勻貼項上一日許

狼毒丸

吉氏

治小兒膽熱肝風天柱倒折宜服此藥更用

前起頭貼項藥

狼毒

酒浸焙

白附子

大附子

失

天麻

防風

羌

活

已上各一錢

硃砂

地龍

去土各一錢

麝香

半字

右為細末法酒煮糊為丸如小豆大每服七丸至十五丸用黑豆薄荷湯入酒一滴吞下

五鞭

五鞭者仰頭取氣難以動搖氣壅作痛連於胸膈脚手心冷而鞭此陽氣不營於四末也經曰脾主四肢又曰脾主諸陰今手足冷而硬者獨陰無陽也故難治若肚筋青急者木乘土位也急用六君子湯加炮薑肉桂柴

胡升麻以復其真氣若係風邪當參驚風治之此證從
肝脾二臟受患當補脾平肝仍參急慢驚風門治之
百問云如審係風證依中風治之必有回生之理小續
命湯加減

小續命湯 治中風不省人事涎鳴反張失音厥冷

麻黃

去節

人參

黃芩

川芎

芍藥

甘草

炙

杏

仁

去皮
尖炒

漢防己

官桂

去皮各
半兩

防風

七錢
半


附子

炮

去

皮 臍七
錢半

右除附子杏仁外擣為麤末次入二味夾和每一錢
薑棗煎食前服有熱去附子官桂減半 經云諸暴
強直皆屬於風故收此方非的風證方用



證治準繩卷九十八